

Gradski vijećnik Srđan Srdić

GRAD SARAJEVO

GRADSKO VIJEĆE

Predsjedavajući Gradskog vijeća

Bosna i Hercegovina-Federacija Bosne i Hercegovine
Kanton Sarajevo - GRAD SARAJEVO
GRADSKO VIJEĆE

PRIMLJENO	22-01-2019		
Org. broj/P. št.	01-05-60/19	Prilog	Vrijednost
			100

Predmet: Prijedlog Komisiji za izbor i imenovanja Gradskog vijeća za dodjelu nagrade "Sarajevska Pahuljica"

Na osnovu člana 10. Odluke o priznanjima i nagradi Grada Sarajeva kojom je, između ostalog, propisano da prijedlog za dodjelu priznanja Grada Sarajeva može podnijeti gradski vijećnik, podnosi se:

Prijedlog da odlukom Gradskog vijeće dodijeli priznanje "Sarajevska Pahuljica" Malonogometnoj Reprezentaciji BiH osoba sa dijabetesom

OBRAZLOŽENJE

U članu 10 Odluke o priznanjima i nagradi Grada Sarajeva propisano je:

Sarajevska pahuljica je nagrada koja se dodjeljuje redovnim učenicima i studentima sa područja grada Sarajeva, kao pojedincima i grupama, koji su ostvarili izuzetne rezultate na očuvanju i unapređenju općedruštvenih vrijednosti, kao i u nastavnim i vannastavnim aktivnostima (borba protiv droge, nasilja u porodici, svih vrsta diskriminacije; zalaganje za mir, suživot, demokratiju; postignuti uspjesi na takmičenjima u oblasti, nauke, kulture, sporta i sl.). Sarajevska pahuljica dodjeljuje se u obliku diplome, uz novčanu nagradu čiju visinu utvrđuje gradonačelnik/ca, na početku svake budžetske godine.

Na sedmom Europskom prvenstvu održanom od 21 do 29 jula 2018 godine u Bratislavi (Slovačka), a uz učešće 17 reprezentacija, naša reprezentacija je osvojila zlatnu medalju pobjedom nad reprezentacijom Hrvatske (rezultat 5:0). Ovo je već drugi put u posljednje tri godine da momci donose zlato u našu zemlju sa europskog prvenstva, što daje za pravo da ih uvrstimo u sami vrh sportskih kolektiva naše zemlje i grada Sarajeva. Bitno je istaći da Reprezentaciju BiH osoba sa dijabetesom u malom nogometu čine igrači Sportskog udruženja "DiaBiH" iz svih krajeva Bosne i Hercegovine, ali većinom su igrači sa prostora našeg grada Sarajeva odakle je i trener. Smatram da je ovaj izvanredni rezultat i više nego dovoljan da ih predložim za nagradu Grada Sarajeva, Sarajevsku Pahuljicu. Hvala momcima koji su na najbolji način reprezentovali naš Grad i našu zemlju.

"DiaEuro" je jedan od najvećih događaja o dijabetesu u Evropi koji je podržan od krovne asocijacije za dijabetes u Evropi – IDF. To je prilika za podizanje svijesti o problemima dijabetesa, popularizaciju zdravog načina života, promociju sporta i tjelesne aktivnosti kao značajnih faktora u liječenju i prevenciji dijabetesa, unapređenje saradnje između evropskih dijabetes organizacija, te bolju komunikaciju na međunarodnom nivou i širenje pozitivnih iskustava.

U Sarajevu, 22.1.2019. godine

GRADSKI VIJEĆNIK

Srđan Srdić

